

Ժողովուրդ

58
(2724)

20 ապրիլի հինգշաբթի 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՏՎՅԱԼՆԵՐԸ ՈՒՌՃԱՑՎԱԾ ԵՆ



Այս օրերին Ազգային ժողովում քննարկվում է ՀՀ կառավարության 2022 թվականի գործունեության հաշվետվությունը: Այդ նույն զեկույցում անդրադարձ կա Պարեկային ծառայությանը, սակայն առկա են ցուցանիշներ, որոնք այնքան էլ իրականությանը չեն համապատասխանում: Օրինակ՝ նշվում է, թե Շիրակի, Լոռու, Տավուշի, Գեղարքունիքի, Կոտայքի, Արագածոտնի մարզերում պարեկային ոստիկանությունը սկսել է ծառայությունը: Ընթանում են Արմավիրի, Արարատի, Վայոց ձորի, Սյունիքի մարզերում պարեկային ոստիկանության ներդրման նախապատրաստական աշխատանքները: Սակայն FIP-ը փաստում է, որ իրականում, նշված 6 մարզերից Պարեկային ծառայությունը 2022 թվականին գործել է միայն Շիրակի ու Լոռու մարզերում, իսկ Տավուշի, Գեղարքունիքի, Կոտայքի եւ Արագածոտնի մարզերում Պարեկային ծառայությունը սկսել է գործել 2023 թվականի հունվարից: Մյուս կողմից՝ ներկայացված են հենց 2023 թվականի տվյալները: Օրինակ՝ Հայաստան-Թուրքիա հարաբերությունների վերաբերյալ հատվածի մեծ մասը վերաբերում է 2023 թվականին տեղի ունեցած գործընթացներին: 2022 թվականի՝ կառավարության գործունեության վերաբերյալ 83-էջանոց հաշվետվության մեջ ավելի քան 90 անգամ նշվել է 2023 թվականը: Ստացվում է, որ կառավարության գործունեության ծրագրում թյուրիմացություններ կան, եւ կան ուռճացված տվյալներ, որոնք չեն վերաբերում 2022 թվականի գործունեությանը:

Ք-ում այս օրերին օդը «սառած է»։ Փաշինյանն արդեն 2 օր է՝ խորհրդարանում է։ Իշխող խմբակցության պատգամավորները գերլարված են՝ հանկարծ որեւէ բացթողում թույլ չտան վերադասի ներկայությամբ։ Նկատենք, որ սովորաբար ԱԺ հերթական նիստերի օրերին Ք-ականների մեծ մասն ուշացումով, կարելի է ասել, ճեմելով են գալիս նիստերին, շատ դեպքերում գալիս, գրանցվում ու դուրս են գալիս դահլիճից եւ վերադառնում են միայն քվեարկությունների ժամանակ, այնինչ երեքշաբթի, չորեքշաբթի, երբ ԱԺ նիստը պետք է սկսվեր Փաշինյանի ելույթով, նիստի սկսվելուց րոպեներ առաջ արդեն Ք-ականները տեղավորվել էին, կազմ-պատրաստ սպասում էին, որպեսզի դիմավորեն Փաշինյանին, իսկ նրա ելույթի ժամանակ որեւէ մեկը չէր համարձակվում անգամ դուրս գալ նիստերի դահլիճից։ Դպրոցականների նման լուռ լուռ էին իրենց «ուսուցչին», ջանք չէին խնայում, որպեսզի ցույց տան, թե խիստ հետաքրքրված են նրա ելույթով։ Ի դեպ, այսօր եւս բարդ օր է իշխող ֆրակցիայի պատգամավորների համար. Նիկոլ Փաշինյանը կրկին խորհրդարանում կլինի կառավարության 2021-2026 թթ. ծրագրի 2022թ.-ի կատարման ընթացքի եւ արդյունքների մասին զեկույցի մասով ամփոփոհչ ելույթ ունենալու համար, այդ պատճառով էլ կառավարության նիստը մեկ օրով հետաձգվել է։



«Ժողովուրդ» օրաթերթի բացառիկ տեղեկությունների համաձայն՝ ԱԱԾ-ն նախաքննության ավարտ է հայտարարում արտաքին գործերի նախարար Արարատ Միրզոյանին ծեծի ենթարկելու դեպքով կալանավորված անձանցից մեկի քրեական գործը։ Մյուս մասին է խոսքը։ Ինչպես հայտնի է, 2020թ. պատերազմի դադարեցման գործընթացով պայմանավորված՝ մի խումբ քաղաքացիների հետ Ա.Բ.-ն ներկա էր գտնվել մայրաքաղաք Երևանում, որտեղ կառավարության, Ազգային ժողովի վարչական շենքերի դիմաց, դրանց ներսում եւ ՀՀ վարչապետին հատկացված կեցավայրի մոտ կատարվում էին զանգվածային անկարգություններ։ Նշվում է նաեւ, որ նա միացել է ՀՀ ԱԺ նախագահ Արարատ Միրզոյանի նկատմամբ բռնություն գործադրող զանգվածային անկարգությունների մասնակիցներին, ճեղքելով վերջիններիս շարքերը՝ մոտեցել է արդեն իսկ գետնին ընկած Արարատ Միրզոյանին եւ ոտքով հարվածել է վերջինիս՝ այդպես բռնություն գործադրելով նրա նկատմամբ։ Խոսքը Արա Բադոյանի մասին է, ու նրա մասով գործը ուղարկվում է դատարան։ Նշենք, որ Բադոյանը չի ընդունում մեղքը՝ հայտարարելով՝ երբ մոտեցել է Միրզոյանին, նա արդեն գետնին ընկած է եղել։



«Ժողովուրդ» օրաթերթի տեղեկությունների համաձայն՝ ՀՀ արտաքին գործերի նախկին նախարար Վարդան Օսկանյանի որդու՝ Արա Օսկանյանի գործողությունների մասով ՀՀ քննչական կոմիտեում քրեական գործ է հարուցված խարդախության հատկանիշներով։ Մասնավորապես, մեզ հասած տեղեկությունների համաձայն՝ Օսկանյանի որդին կալանքի տակ գտնվող գույքը վաճառել է, ինչի առթիվ իրավապահներին հաղորդում է ներկայացվել հանցագործության մասին, որտեղ էլ տրվել է Օսկանյանի որդու՝ Արա Օսկանյանի անունը։ Իհարկե, առաջին դեպքը չէ, որ Վարդան Օսկանյանի որդին հայտնվում է իրավապահների տեսադաշտում։ Հիշեցնենք՝ 2017 թ. փետրվարի 17-ին, Հայաստանի քննչական կոմիտեի Կոտայքի մարզային քննչական վարչության Կոտայքի քննչական բաժնի քննիչի որոշմամբ, ձերբակալվել էին 33-ամյա Արա Օսկանյանն ու 25-ամյա Հրանտ Սերադարյանը։ Վերջիններս կասկածվում էին քաղաքացու առեւտնագելու համար՝ պարտքը վերադարձնելու պահանջով, ավելի ուշ գործը կարճվեց։ Այս պատմության մեջ ուշագրավն այն էր, որ ԱԺ նախկին նախագահ Հովիկ Աբրահամյանի՝ կալանքի տակ գտնվող տունը նորահայտ գործարար Նարեկ Նալբանդյանը գնեց, ընդ որում՝ մաս-մաս վճարելու տարբերակով, սակայն իրավապահները ոչ վաճառողին, ոչ էլ գնորդին չեն պատժում։



ԱՆՏԱՐԲԵՐՈՒԹՅՈՒՆ

ԱՐՑԱԽԸ ԲԵՌ ՉԷ, ԱՅՆ ՎԱՐԱՆ Է

«Նիկոլ Փաշինյանը երբ Ստեփանակերտում հայտարարում էր՝ Արցախը Հայաստան է ու վերջ, այդ ժամանակ Մադրիդյան սկզբունքներ կային, թե՛ չկային»։ Դավիթ Բաբայան:

«Ժողովուրդ» օրաթերթը Արցախի շուրջ տեղի ունեցող զարգացումների վերաբերյալ գրուցել է Արցախի նախագահի խորհրդական Դավիթ Բաբայանի հետ:

«Դարոն Բաբայան, Ադրբեջանի նախագահը վերջերս հերթական սպառնալիքն է հնչեցրել Արցախում բնակվող հայերի հասցեին՝ հայտարարելով. «Դարաբադում ապրող հայերը կան պետք է Ադրբեջանի քաղաքացիություն ստանան, կամ ապրելու համար այլ տեղ գտնեն»: Ինչպե՞ս կարծազանքեք սրան: Ըստ Ձեզ՝ հերթական սպառնալիքն էր սա:

«Մեզ համար դա նորություն չէր. սա ոչ այլ ինչ է, քան շուրջիսկի եւ նախկին քաղաքականություն միջազգային հանրության բացարձակ պայանծավածության պայմաններում: Որեւէ մեկը հայտարարություն չի արել՝ քննադատելով Ադրբեջանի նախագահին, թե այս ինչ է ասում. կարող է սա Երրորդ ռախի կուսակցական հանդիպումն է կամ համագումարն է, որ այդպիսի գաղափարներ են հնչեցվում: Որտե՞ղ է միջազգային դատարանը, որտե՞ղ են միջազգային կազմակերպությունները, որտե՞ղ են այն մարդիկ, որոնք Երեւանում ամեն պատեհ ու ոչ պատեհ առիթներով բղավում էին մարդու իրավունքների պաշտպանության մասին: Ալիեւը մի ամբողջ ժողովրդի ցեղասպանության է ենթարկում: Նման անտարբեր կամ խրախուսող պահվածքը խարխուլում է ոչ միայն միջազգային իրավունքը, այլ նաեւ ժողովրդավարության եւ մարդու իրավունքների նկատմամբ վստահությունը: Մենք տեսնում ենք, որ ամեն ինչ խառնվել է, արժեզրկվել է, ինչպես որով չպետք է ապրենք: «Այսինքն՝ միջազգային հանրության լռության հետեւում է Ալիեւի այս սպառնալից հետտրաբանությունը:



«Միջազգային հանրության լռության եւ խրախուսման հետեւանքով է այս ամենը: Սիրիայի նախագահ Ասադին կամ Ռուսաստանի նախագահին են փորձում դատել, իսկ մի մարդու, որը ցեղասպանություն է իրականացնում ու բացեցիքաց դրա մասին խոսում է, չի ճանաչում միջազգային դատարանի որոշումը, թեքած ունի ամեն ինչի վրա, ասում են՝ սա լավ մարդ է, աշխատում են հետը, պայմանագրեր են կնքում, ձեռք են սեղում. սա է իրականությունը: «Դարոն Բաբայան, իր գրեթե բոլոր ելույթներում Նիկոլ Փաշինյանը մի թեզ է առաջ տանում՝ Մադրիդյան սկզբունքներով Հայաստանը ճանաչել է Արցախի Ադրբեջանի կազմում: Նման հայտարարությունները չէ՛ն վնասում բախակցային հետազգ գործընթացին: «Ես չեմ ուզում որեւէ մեկին մեկնաբանել, բայց կասեմ հետեւյալը. ըրեւէ մեկը 1988թ.-ից հետո՝ Ադրբեջանից ու Թուրքիայից հետո չի ճանաչել Արցախի Ադրբեջանի մաս: Փաշինյանը երբ այցելել էր Ստեփանակերտ ու հայտարարում էր՝ Արցախը Հայաստան է ու վերջ, այդ ժամանակ Մադրիդյան սկզբունքներ կային, թե՛ չկային: Մադրիդյան սկզբունքներում գրված չէ, թե Արցախի Ադրբեջանի մաս է: Ադրբեջանը պնդում է դա, մենք էլ պնդում ենք, որ այդպես չէ, մենք պետք է մեր գաղափարներին տեր կանգնենք, իրենք էլ իրենց գաղափարներին թող տեր կանգնեն, խնդիր չէ: Ամենակարեւորն այն է, որ մենք սկզբունքորեն շարունակենք մեր պայքարը, քանի որ Արցախը կորցնելուց հետո Հայաստան չի լինելու. քանի անգամ ենք սա ասել, ասողին լսող է պետք, ասել ենք, որ Արցախը բեռ չէ. այո՛, այն ծանր է, բայց վահան է: Հիմա Արցախը ջախջախված է, տեսնում եք՝ Հայաստանից կտոր-կտոր վերցնում են, վերջում էլ գալու են սրընթաց կերպով Հյուսիսային պողոտայում նստեն: Զրուցեք ԲՈՒՍՏԻՆ ՍՈՒՇԵՐՅԱՆԸ

ԱՄՈՒՄԵԱՑՆՈՒՄ Է ԳՄՏԵՐԸ

ԱՄՈՒՄԵԱՑՆՈՒՄ Է ԳՄՏԵՐԸ



«Ժողովուրդ» օրաթերթի տեղեկություններով՝ երեկ Արցախի նախագահ Արայիկ Հարությունյանի ավագ դուստրն ամուսնացել է: Տեղեկացանք, որ գույզի հարսանեկան միջոցառումը ներ միջավայրում է անցել Արցախում: Ներկա են եղել միայն մտերիմ հարազատները, ընկերները, իսկ իշխանական վերնախավից էլ միայն Հարությունյանի ամենամտերիմները: Միջոցառումն անցել է առանց շքեղությունների: Արցախում ստեղծված իրավիճակով պայմանավորված՝ փորձել են մեծ աղմուկ չբարձրացնել: «Ժողովուրդ» օրաթերթի տեղեկություններով՝ փեսացուն Արայիկ Հարությունյանի դստեր համակուրսեցին է եղել՝ Ասկերանի շրջանի Նորագյուղ համայնքից:

ՈՒՂԱՐԿՎԵՑ ԳԱՏԱՐԱՆ

«Բարգավաճ Հայաստան» խմբակցության առաջնորդ Գագիկ Ծառուկյանի գործով նախաքննությունն ավարտվել է: Ազգային անվտանգության ծառայությունն այն կուղարկի դատարան: Խոսքը 2017թ.-ի խորհրդարանական ընտրությունների ժամանակ ԲՀԿ-ի օգտին ընտրակաշառք բաժանելու գործին է վերաբերում, որով մեղադրանք է առաջադրվել 9 անձի, այդ թվում՝ Ծառուկյանին՝ ընտրակաշառք տալը կազմակերպելու համար: Եւս 5 մարդու էլ մեղադրանք է առաջադրվել ընտրակաշառք տալու համար: Այս գործով հարցաքննվել է 162 մարդ: Հիշեցնենք, որ նախորդ գումարման խորհրդարանում Գագիկ Ծառուկյանին զրկել էին պատգամավորական անձեռնմխելիությունից, նրան մեղադրանք էր առաջադրվել, սակայն գրավի դիմաց ազատ էր արձակվել: Հետաքրքիր է, որ այս գործով մեղադրվող բոլոր անձանց առնչվող քրեական գործերը կարծվել են, եւ միայն Ծառուկյանի գործն է ուղարկվում դատարան: Ի դեպ, սա մեծ հաշվով փուշիկ գործ էր, քանի որ այդպես էլ հիմնավոր ապացույցներ ձեռք չէին բերվել, որ Ծառուկյանն ընդհանրապես կապ ուներ ընտրակաշառքի թեմայի հետ, պարզապես քաղաքական նպատակահարմարությունից էլնելով՝ նրա նկատմամբ հարուցվեց քրեական գործ, եւ հիմա ստիպված են գործն ուղարկել դատարան:

ՆՈՐ ՆԱԽԱԳԻԾ

ԶԻՆՎՈՐԱԿԱՆՆԵՐԸ ՓՈԽՐԱՏՈՒՑՈՒՄ ԿՄՏԱՆԱՆ

ՀՀ դաւաճանության նախարարությունը հանդես է եկել օրենսդրական նախաձեռնությամբ եւ առաջարկում է փոփոխություններ կատարել «Հայաստանի Հանրապետության դաւաճանության ժամանակ զինծառայողների կյանքին կամ առողջությանը դասճանաչված վնասների հատուցման մասին» օրենքում լրացումներ կատարելու մասին» ՀՀ օրենքի նախագծում:

Օրենքի նախագծի համաձայն՝ նախատեսվում է մարտական գործողությունների ժամանակ կյանքին կամ առողջությանը պատճառված վնասի հատուցում ստանալու իրավունք ունեցող անձանց շարքում լրացնել նաեւ զինվորական պաշտոնի նշանակված զինվորական ծառայության մեջ չգտնվող անձանց:

Հիմնավորման մեջ նշվում է, որ օրենքի նախագծի ընդունման անհրաժեշտությունը պայմանավորված է 2022 թվականի սեպտեմբերի 13-14-ը Ադրբեջանի կողմից սանձազերծված մարտական գործողությունների ժամանակ հակառակորդի նախահարձակ գործողությունների հետեւանքով զոհված, թափուր զինվորական պաշտոնի նշանակված, զինվորական ծառայության մեջ չգտնվող անձի կյանքին



պատճառված վնասի հատուցումն ապահովելու անհրաժեշտությամբ: Բանն այն է, որ թափուր զինվորական պաշտոնի նշանակված, զինվորական ծառայության մեջ չգտնվող անձինք ներառված չեն փոխհատուցում ստացող անձանց շրջանակում, որի կապակցությամբ նրանք զրկված են օրենքով սահմանված մարտական գործողությունների ժամա-

նակ կյանքին կամ առողջությանը պատճառված վնասի հատուցում ստանալու իրավունքից: Ընդ որում այս պահին նման խնդիր է ծագել մեկ անձի մասով, որի կապակցությամբ անհրաժեշտություն է առաջացել խնդիրը լուծել համակարգային՝ նման կարգավիճակ ունեցող անձանց ներառելով օրենքի գործողության ոլորտում:

ԻՐԱՎԻՃԱԿ

ՂԱՐԱԲԱՂ

ՀԱՅԱՍՏԱՆԻ ՈՒ ԼԻՏՎԱՅԻ ՆԱԽԱԳԱՀՆԵՐԻ ՏԵՄԱԿԵՏՆԵՐԸ

ԻՆՉ Է ՄՊԱՍՎՈՒՄ

Ապրիլի 21-ին ՀՀ գլխավոր դատախազ Աննա Վարդապետյանը կզնա խորհրդարան: ArmLur.am-ը տեղեկացավ, որ Վարդապետյանը կզնա ԱԺ, որպեսզի Պետախրավական հարցերի մշտական հանձնաժողովի նիստում ներկայացնի Հայաստանի Հանրապետության դատախազության 2022 թվականի գործունեության մասին հաղորդումը:

Մշտական հանձնաժողովի նիստում այդ հարցի քննարկումից հետո դատախազի հաղորդումն արդեն կներկայացվի ԱԺ լիագումար նիստում: Մենք տեղեկացանք, որ հաղորդումը բաղկացած է 164 էջից, եւ մանրամասն անդրադարձ է կատարված տարբեր ոլորտների:

Հավելենք, որ Աննա Վարդապետյանը նախորդ տարվա սեպտեմբերին էր ստանձնել իր պաշտոնը, եւ նշանակում է, որ հիմնականում խորհրդարանում խոսելու է նախորդ դատախազ Արթուր Դավթյանի աշխատանքի մասին:

ՀԱՅՏՆԻ Է ՀԱՆԳԻՊՄԱՆ ՕՐԸ

ՀՀ ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը տեղեկացրել էր, որ զոհված եւ անհետ կորած զինծառայողների ծնողների հետ հանդիպումը հետաձգվում է:

«Հարգելի լրագրողներ, ցանկանում եմ տեղեկացնել, որ սույն թվականի ապրիլի 19-ի՝ ժամը 11:00-ի հանդիպումը հետաձգվում է, քանի որ ապրիլի 18-ից հրավիրվել է ԱԺ արտահերթ նիստ, որին մասնակցում է ՀՀ վարչապետ Նիկոլ Փաշինյանը: Այդ պատճառով անվտանգության աշխատակիցները արգելում են որեւէ քաղաքացու մուտքն Ազգային ժողովի շենք, ուստի ես չեմ կարողանալու ապահովել 44-օրյա պատերազմում զոհված եւ անհետ կորած զինծառայողների ծնողների մուտքը խորհրդարան, հետեւաբար ստիպված եմ քննարկումը հետաձգել: Անցկացման օրվա եւ ժամի մասին կտեղեկացվեն լրացուցիչ, երբ ԱԺ արտահերթ նիստերն ավարտվեն»:

Ավելի ուշ ԱԺ լրատվական ծառայությունից տեղեկացրին, որ հանդիպումը տեղի կունենա ապրիլի 20-ին՝ ժամը 14:00-ին, Ազգային ժողովի նոր մասնաշենքի 314 դահլիճում:

ՓՈՐՁԵԼ Է ՄՊԱՆԵԼ ՄՈՐԸ

ArmLur.am-ի տեղեկություններով՝ ապրիլի 18-ին Լոռու մարզի բաժին սահազանգ է հնչել մի կնոջից, որ ժամը 11:00-ին որդին՝ Ս. Ու.-ն, որը հաշվառված է հոգեբուժարանում, կոնկրետ ինչ-որ ապրանք չգնելու հարցի շուրջ վիճաբանել է իր հետ, ձեռքով սեղմելով իր կոկորդին՝ փորձել է շնչահեղձ անելով սպանել, բացի այդ, նույն օրը՝ ժամը 11:00-ից մինչեւ ապրիլի 18-ի ժամը 09:00-ն, դանակի սպառնալիքով իրեն զրկել է ազատ տեղաշարժի եւ ոստիկանություն դիմելու հնարավորությունից: Կնոջ ահազանգով դեպքի վայր են շտապել իրավապահները եւ Ս. Ուլուխանյանին տեղափոխվել են հոգեբուժարան:

Վահագն Խաչատրյանը Լիտվայում է: Այնտեղ տեղի է ունեցել նախ Վահագն Խաչատրյանի դիմավորման դաժնոնական արարողությունը: Երկու երկրների նախագահների առանձնագրույցին հաջորդել է դասվիրակությունների ընդլայնված կազմով հանդիպումը: Հանդիպման ընթացքում Լիտվայի նախագահը շնորհակալություն է հայտնել այցելության համար եւ շնորհակալություններ է հայտնել, որ բարձր մակարդակի փոխայցելությունները հավելյալ խթան են հայ-լիտվական բարեկամական հարաբերությունների զարգացման համար:

Պատվիրակությունների հանդիպման ընթացքում քննարկվել է դարաբաղյան հակամարտության կարգավորման, Ադրբեյջանի կողմից Լաչինի միջանցքի շրջափակման եւ տարածաշրջանային զարգացումների վերաբերյալ հարցերի լայն շրջանակ:

Երկուստեք շեշտվել է հումանիտար խնդիրների հարթափարումն ու առանց նախապայմանների լուծումը: Նախագահ Նաուսեդան, անդրադառնալով հայ-ադրբեյջանական հարաբերություններին, իր պատրաստակամությունն է հայտնել հնարավորությունների սահմաններում իր նպաստը բերել մեր տարածաշրջանում խաղաղության հաստատմանը:

Վահագն Խաչատրյանը եւ Գիտանաս Նաուսեդան Լիտվայի նախագահի նստավայրում տեղի ունեցած հանդիպումների արդյունքներն ամփոփել են զանգվածային լրատվամիջոցների ներկայացուցիչների համար հայտարարություններով:

Վահագն Խաչատրյանն իր կատարած հայտարարության մեջ ընդգծել է, որ Հայաստանը մեծ կարեւորություն է տալիս բարեկամ Լիտվայի հետ հարաբերությունների շարունակական զարգացմանն ու ամրապնդմանը, որի համար առկա են բոլոր նախադրյալները:

Նա բարձր է գնահատել Լիտվայի նախագահի հետ հանդիպելու հնարավորությունը վարչապետի եւ խորհրդարանի նախագահի հետ երկկողմ օրակարգ



քննարկելու, ինչպես նաեւ ԵՄ-ի հետ Հայաստանի համագործակցության, տարածաշրջանում տիրող իրախնձակի մասին տեսակետներ փոխանակելու համար:

«Վերջին տարիների բարձր մակարդակի հանդիպումների ինտենսիվությունը վկայում է փոխշահավետ համագործակցությունը բոլոր ուղղություններով առավել ընդլայնելու երկկողմ հանձնառության մասին:

Լիտվան ԵՄ մեր կարեւոր գործընկերներից է, եւ մենք բարձր ենք գնահատում Հայաստան-Եվրամիություն գործընկերության շրջանակներում մեր երկու երկրների միջեւ ձեւավորված արդյունավետ փոխգործակցությունը», - ասված է Հայաստանի նախագահի հայտարարության մեջ:

Երկու երկրների նախագահներն անդրադարձել են նաեւ անվտանգային եւ տարածաշրջանային նշանակության հարցերի: Քննարկել են տարածաշրջա-

նում հարատե խաղաղություն հաստատելուն ուղղված Հայաստանի ջանքերը: Այս համատեքստում Վահագն Խաչատրյանն ընդգծել է Արցախում եւ Ադրբեյջանի վերահսկողության տակ գտնվող հայկական մշակութային կոթողների պահպանման անհրաժեշտությունը:

Լիտվայի նախագահն էլ իր խոսքում ընդգծել է Լիտվայի եւ Հայաստանի միջեւ բազմաշերտ համագործակցության խորացմանն ու զարգացմանն ուղղված իր պատրաստակամությունը:

Գիտանաս Նաուսեդան կարեւորել է նաեւ երկու երկրների միջեւ ինչպես երկկողմ, այնպես էլ Եվրամիության հարթափարում արդյունավետ համագործակցությունը: Իր խոսքով՝ այդ համագործակցության արդյունքներից է նաեւ հայ-ադրբեյջանական սահմանին Եվրամիության քաղաքացիական դիտորդական առաքելության տեղակայումը:

Ն.Գ.

ԼՈՒՐԵՐ ՕՐԱԿԱՐԳՈՒՄ ԶԿԱ

Ապրիլի 25-27-ը ՀՀ ԱԺ պատվիրակությունը կգործուղվի Մադրիդ: ԱԺ կայքում հրապարակված որոշման մեջ, սակայն, գործուղման օրակարգի մասին որեւէ տեղեկություն չկա:

ArmLur.am-ը տեղեկացավ, որ պատվիրակության կազմում կլինեն Ազգային ժողովի արտաքին հարաբերությունների մշտական հանձնաժողովի նախագահ Սարգիս Խանդանյանը, ԶՊ-ական պատգամավորներ Մարիա Կարապետյանը, Լենա Նազարյանը եւ «Հայաստան» խմբակցության պատգամավոր Լիլիթ Գալստյանը:

Պատգամավորների գործուղման հետ կապված ճանապարհածախսի, օրապահիկի, ինչպես նաեւ գիշերավարձի ծախսերը կկատարվեն պետությունից հաշվին:

ՀԱՆԳԻՊՈՒՄ ՀԱՅԱՍՏԱՆՈՒՄ

Ապրիլի 19-ին պաշտպանության նախարար Սուրեն Պապիկյանն ընդունել է

ՀՀ-ում Հնդկաստանի նորանշանակ արտակարգ եւ լիազոր դեսպան Նիլակշի Սահա Սինհային:

Պաշտպանության նախարարը շնորհավորել է դեսպանին Հայաստանում առաքելությունը սկսելու կապակցությամբ եւ մաղթել արդյունաշատ աշխատանք:

Հանդիպմանը քննարկվել են պաշտպանության բնագավառում համագործակցությանն առնչվող մի շարք հարցեր: Սուրեն Պապիկյանը բարձր է գնահատել Հայաստան-Հնդկաստան համագործակցության ներկա մակարդակը՝ նշելով, որ երկկողմ համագործակցությունը թեւակոխել է զարգացման նոր փուլ: Դեսպանը հայտնել է հնդկական կողմի՝ համագործակցության զարգացման պատրաստակամությունը: Զրուցակիցները քննարկել են նաեւ տարածաշրջանային անվտանգությանն առնչվող մի շարք հարցեր:

ԱՅԼԸՆՏՐԱՆՔ ԶՈՒՆԵՆ

Կրեմլում կարծում են, որ Բաքվի եւ Երեւանի հետ Ղարաբաղի վերաբերյալ

պայմանավորվածություններն այլընտրանք չունեն, պետք է իրականացնել դրանք. այս մասին հայտարարել է ՌԴ նախագահի մամուլի քարտուղար Դմիտրի Պեսկովը (տեղեկացրել է «ՌԻԱ Նովոստի»-ն):

«Կրեմլում պատրաստ են ողջունել Բաքվի եւ Երեւանի միջեւ լարվածության թուլացմանն ուղղված ցանկացած քայլ», - նշել է Պեսկովը:

«Մենք պատրաստ ենք ողջունել կողմերի ցանկացած քայլ, որը կարող է հանգեցնել լարվածության թուլացման, եւ որը կնպաստի հետագա առաջընթացին ռուս-հայ-ադրբեյջանական եռակողմ պայմանավորվածությունների կատարման ուղիով», - ասել է Պեսկովը՝ պատասխանելով այն հարցին, թե արդյոք Մոսկվան ինչ-որ կերպ կմասնակցի Հայաստանի եւ Ադրբեյջանի միջեւ հակամարտության կարգավորմանը:

«Այդ եռակողմ պայմանավորվածություններն այժմ կարգավորման միակ իրական, իրատեսական բազան են, ուստի բոլոր պայմանավորվածությունների կատարման ուղիով առաջ ընթանալը համարում ենք անայլընտրանքային եւ անհրաժեշտ բոլորի համար», - ասել է նա:

ՄԱՆՐԱՄԱՆԵՐ

Ո՞Վ Է ԹԵՆԱՄՈՒՆ ՏԵՂԵԿՈՒԹՅՈՒՆ ՂԱՊՈՒՅՑԱԿԱՆ ԿԱՊԻՏԱԼԸ

Այս օրվա հունվարի 23-ին Ազգային անվտանգության ծառայությունը հայտնել էր, որ Հայաստանի ֆաղաֆաղի, ՊՆ N զորամասի կառնիսանի կողմից դե-սակամ դավաճանության դեմ է բա-ցահայտել:



Մասնավորապես՝ սպան 2021 թվականի սկզբից հայտնվել է օտարերկրյա հատուկ ծառայությունների ուշադրության կենտրոնում եւ հավաքագրվել նրանց կողմից: Այնուհետեւ, ծառայության նշանակվելով 33 ՊՆ մեկ այլ զորամասում որպես զորա-մասի ծառայություններից մեկի պետ, ծա-ռայության ընթացքում օտարերկրյա հա-տուկ ծառայություններից հարողդագրու-թյունների միջոցով ստանալով համագոր-ծակցությունը շարունակելու վերաբերյալ առաջարկություն եւ ընդունելով այն, պարտավորվել է վարձատրության դիմաց հավաքել եւ օտարերկրյա հատուկ ծառա-յություններին հանձնել Հայաստանի Հան-րապետության ինքնիշխանությանը, տա-րածքային անձեռնմխելիությանը եւ ար-տաքին անվտանգությանն ի վնաս օգտա-գործելու համար ռազմական բնագավառի պետական եւ ծառայողական գաղտնիք կազմող տեղեկություններ:

տեխնիկայի վերաբերյալ: Որպես վար-ձատրություն՝ սպան օտարերկրյա հատուկ ծառայության ներկայացուցից 2 անգամ տարբեր օրերի ընթացքում ստացել է գու-մար եւ բջջային հեռախոս՝ «այդ կերպ կա-տարելով պետական դավաճանություն՝ ի վնաս Հայաստանի Հանրապետության տա-րածքային անձեռնմխելիության եւ արտա-քին անվտանգության»:


նենալով առնչվելու պետական ու ծառայո-ղական գաղտնիք կազմող տեղեկություն-ների եւ փաստաթղթերի, ինչպես նաեւ ռազմական բնույթի գործողությունների հետ, լրտեսության, օտարերկրյա պետու-թյան ներկայացուցիչներին ռազմական բնագավառում ծառայողական գաղտնիք հանդիսացող եւ ռազմական բնույթի այլ տեղեկություններ հանձնելու, թշնամա-կան գործունեություն իրականացնելու համար օտարերկրյա հատուկ ծառայու-թյունների ներկայացուցիչին այլ օգնություն ցույց տալու եղանակներով կատարել է պետական դավաճանություն՝ ի վնաս Հա-յաստանի Հանրապետության տարածքա-յին անձեռնմխելիության եւ արտաքին անվտանգության: Գործով նախաքննու-թյան ավարտ է հայտարարվել, եւ այն ու-ղարկվել է դատարան:

ԸՆՏՐ ՄԱՆՈՒԿՅԱՆ

ԳՈՐԾԸ ԴԱՏԱՐԱՆՈՒՄ Է

ՊԱՏՐԱՍՏՎՈՒՄ Է ՊԱՅԹԵՑՆԵԼ «ԿԱՊՈՒՅՑ» ՄԶԿԻԹԸ

ArmLur.am-ին հայտնի դարձավ, որ Նարեկ Մելիքբեկյանին մեղադրանք է առաջադրվել այն բանի համար, որ նա, մեկ ընդհանուր նողասակ հեռադիմո-լով եւ մեկ միասնական դիմադրու-թյան դրսեւորմամբ, ցանկանալով կազմալուծելու եւ խաթարելու դե-սակամ մարմին հանդիսացող ՀՀ արտա-կարգ իրավիճակների նախարարու-թյան 911 ծառայության գործունեու-թյունը, հանցավոր նողասակ է ձեռք բե-րել, իբր, նախադատարանական հաղոր-դումներ ներկայացնել նվազ ծառա-յություն՝ նողասակ հեռադիմոլով բնակչության օրջանում սեղծել վախի մթնոլորտ, խուճաղ եւ հաճույք ստանալ դրանից:



Նարեկ Մելիքբեկյանը, իրականացնե-լով իր հանցավոր մտադրությունը, գի-տակցելով, որ իր տրամադրած տեղե-կատվությունները կեղծ են, նախ 2021 թվականի ապրիլի 23-ին՝ 12:27-ին, գան-գահարել է 911 ծառայություն, ներկայա-ցել Արթուր Դեդյան անվամբ եւ հայտնել, որ ինքը ազգությամբ չեչեն է, Ադրբեջանի կողմակից եւ պատրաստվում է ահաբեկ-չական ակտ իրականացնել եւ պայթեցնել

33-ում գտնվող «Կապույտ» մզկիթի շեն-քը: Դրանից հետո, շարունակելով միե-նույն օբյեկտի դեմ ուղղված իր դիտավո-րության մեջ ընդգրկված գործողություն-ները, նույն օրը՝ ժամը 20:09-ին, ահազան-գել է 33 արտակարգ իրավիճակների նա-խարարության 911 ծառայություն եւ իր կողմից ահաբեկչության նախապատրաս-

տություն իրականացնելու մասին սուտ հաղորդում է ներկայացրել առ այն, որ ին-քը հանդիսանում է «Չեչեն» մականվամբ ահաբեկիչ եւ, իբր, Տեղապետության գո-հերի հուշահամալիրում 2021 թվականի ապրիլի 24-ին նախապատրաստվում է իրականացնել ահաբեկչություն:

Ը. ՄԱՆՈՒԿՅԱՆ

ՏՆԱՅԻՆ ԿԱԼԱՆՔ

ԳԻՏԱՎՈՐՅԱԼ ՄՊԱՆՈՒԹՅՈՒՆ

Հաղորդում է ստացվել այն մասին, որ 2023թ. ապրիլի 14-ին՝ ժամը 00:15-ի սահմաններում, Երեւան քաղաքի Արտաշեսյան փողոցում անհայտ վա-րորդն իր վարած «Գազ 31105» մակ-նիշի ավտոմեքենայով վրաերթի է եւ-թարկել հետիոտն, 1981թ. ծնված՝ Երեւան քաղաքի բնակիչին, որը ստա-ցած մարմնական վնասվածքներից տեղում մահացել է: Ավտոմեքենան հայտնաբերվել էր նշված տարածքին հարակից երկաթգծերի վրա:

ՀՀ քննչական կոմիտեի ԵԶԶԿ ճա-նապարհատրանսպորտային հանցա-գործությունների քննության, բաժնում ՀՀ քրեական օրենսգրքի 342-րդ հոդ-վածի 2-րդ մասով, նախաձեռնվել է քրեական վարույթ, եւ սկսվել է նա-խաքննություն:

Իրականացված քննչական եւ վա-րույթային մարտավարական առումով արդյունավետ գործողությունների ըն-թացքում փաստական տվյալներ են ստացվել այն մասին, որ նշված օրը՝ ժամը 00:00-ից 00:30-ն ընկած ժամա-նակահատվածում, Երեւան քաղաքի Արտաշեսյան փողոցում Երեւան քա-ղաքի 42-ամյա վերոնշյալ բնակիչ եւ 44-ամյա բնակիչ միջեւ տեղի է ունեցել միջադեպ: Մասնավորապես՝ հնչեցվել են հայտնողները, որի ընթացքում 42-ամյա տղամարդն իր մոտ ապօրինի պահվող «Մակարով» տեսակի ատր-ճանակով մի քանի անգամ կրակել է: Դրանից հետո 44-ամյա տղամարդու քրոջորդին՝ 2006թ. ծնված անչափա-հասը, «Գազ 31105» մակնիշի ավտո-մեքենան վարել է 42-ամյա տղամար-դու ուղղությամբ, որոշ տարածք հե-տապնդել եւ դիտավորյալ վրաերթի ենթարկելով՝ ապօրինաբար կյանքից զրկել նրան, ապա ավտոմեքենան թողնելով մոտակայքում գտնվող գնացքի գծերի վրա՝ փախել է դեպքի վայրից:

Ձեռք բերված նոր փաստերի հիման վրա՝ ՀՀ ԶԿ ԵԶԶԿ ճանապարհատ-րանսպորտային հանցագործություն-ների քննության բաժնում, ՀՀ քրեա-կան օրենսգրքի 155-րդ հոդվածի 1-ին մասով եւ 335-րդ հոդվածի 1-ին մա-սով, նախաձեռնվել է քրեական վա-րույթ: Նշված վարույթները միացվել են իրար, որով հետագա քննության իրականացումը փոխանցվել է Երեւան քաղաքի քննչական վարչության Շեն-գավիթի քննչական բաժնին:

Քրեական վարույթով կատարվել են դեպքի վայրի, տրանսպորտային մի-ջոցի զննություններ, հարցաքննվել են վկաներ, նշանակվել է դիակի դա-տաբժշկական փորձաքննություն: Դեպքի վայրում հայտնաբերվել են կրակված պարկուճ եւ չկրակված փամփուշտներ:

Կատարված բացատրական աշխա-տանքի արդյունքում 17-ամյա երիտա-սարդը ներկայացել է վարույթն իրա-կանացու մարմնին եւ ձերբակալվել: Նրան մեղադրանք է ներկայացվել՝ ՀՀ քրեական օրենսգրքի 155-րդ հոդվա-ծի 1-ին մասով, եւ նրա նկատմամբ, դատարանի որոշմամբ, որպես խա-փանման միջոց է ընտրվել գրավը՝ 5 մլն դրամի չափով, եւ տնային կալա-նքը:

Նախաքննությունը շարունակվում է:

● Ըստ ոստիկանության տվյալների՝ ապրիլի 18-ից 19-ը Հայաստանի Հանրապետությունում բացա-հայտվել է հանցագործության 75 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՓՈՒՅԱՏՈՒՅՈՒՄ

ԸՆԴՀԱՆՅԵՎԵԼ Է ՄԱՍՆԱԳԻՏՈՒԹՅՈՒՆՆԵՐԻ ՑԱՆԿԸ



Կառավարության որոշմամբ՝ լրամշակվել է մագիստրատուրայի, ասպիրանտուրայի և օրդինատուրայի մասնագիտությունների ցանկը, որոնցից որել է մեկով 33 հավատարմագրված բարձրագույն և հետբուհական մասնագիտական կրթական ծրագրեր իրականացնող ուսհաստատություններում առկա ուսուցմամբ սովորողի (ուսանողի) աշխատավարձի և դրան հավասարեցված վճարումների մասով Հարկային օրենսգրքով սահմանված կարգով հաշվարկված եկամտային հարկը վերադարձվում է:

Կարգավորման նպատակն է խթանել սովորողների ուսուցումը՝ հաշվի առնելով աշխատաշուկայում մեծ պահանջարկ ունեցող, պետության համար առաջնահերթություն և կարեւորություն ներկայացնող մասնագիտություններով աշխատատեղերը համալրելու պահանջը, որոնք թափուր են մնում համապատասխան կրթության և գիտելիքի բացակայության պատճառով:

Գործող ցանկին ավելացել է 11 մասնագիտություն մագիստրատուրայում, որոնք ներառվել են «Բնական գիտություններ, մաթեմատիկա և վիճակագրություն», «Ծառայություններ (սերվիս)», «Ճարտարագիտություն, արդյունաբերություն և շինարարություն», «Գյուղատնտեսություն, անտառային տնտեսություն, ձկնային տնտեսություն և անասնաբուժություն» և «Առողջապահություն» ոլորտներին:

Ասպիրանտուրայի ցանկում ներառվել են «Ավտոմեքենաներ և տրակտորներ», «Բուսական և կենդանական ծագման մթերքների վերամշակման և արտադրության տեխնոլոգիա» և «Բուսաբուծության, խաղողագործություն, պտղաբուծություն և բույսերի պաշտպանություն», իսկ կլինիկական օրդինատուրայում՝ «Մանկական նյարդաբանություն» մասնագիտությունները:

Որոշումն ուժի մեջ կմտնի 2023-2024 ուսումնական տարվանից և կտարածվի նաև նոր ընդգրկված մասնագիտություններով 2023-2024 ուսումնական տարում սովորողների վրա:

Մինչև 2023/2024 ուսումնական տարին ցանկից հանված մասնագիտություններով՝ «Ֆարմացիա» մասնագիտությամբ մագիստրատուրա կամ «Ակնաբանություն», «Լաբորատոր ախտորոշում», «Ճառագայթային ախտորոշում», «Մանկաբարձություն և գինեկոլոգիա», «Սրտաբանություն (կարդիոլոգիա)» մասնագիտություններով կլինիկական օրդինատուրա ընդունված սովորողները եկամտային հարկի վերադարձի իրավունքից կօգտվեն մինչև ուսումնառության ավարտը:

ԽԱԽՏՈՒՄՆԵՐ

ՊԱՏՎԱՍՏՎԱԾ ԼԻՆԵԼՈՒ ԿԵՂԾ ՓԱՍՏԱԹՂԹԵՐ

ՀՀ բննական կոմիտեի Գեղարժույթի մարզային բննական վարչությունում իրականացված բննական և վարուքային գործողությունների արդյունքում բացահայտվել են «Սեւանի բժշկական կենտրոն» ՓԲ ընկերության բուժաշխատողների կողմից կորոնավիրուսային հիվանդության (Covid-19) դեմ ֆաղափացիների դասվաստված լինելը հավաստող կեղծ փաստաթղթեր կազմելու և էլեկտրոնային առողջության միասնական տեղեկատվական «ԱՐՄԵԴ» համակարգ մուտքագրելու դեղդեղ: Նախաֆննությունն ավարտվել է:



Քննությամբ ձեռք բերված փաստական տվյալներով հիմնավորվել է, որ «Սեւանի բժշկական կենտրոն» ՓԲ ընկերության 2 ընտանեկան բժիշկներ, ընդգրկված լինելով կորոնավիրուսային հիվանդության համավարակի դեմ պատվաստման գործընթացին, տեղյակ լինելով միայն Հայաստանի Հանրապետությունում 10 և ավել օր գտնվելու դեպքում օտարերկրյա քաղաքացիներին պատվաստել թույլատրելու մասին, 2021 թվականի հուլիսից հոկտեմբեր ամիսներն ընկած ժամանակահատվածում Հայաստանի Հանրապետությունում ընդամենը մեկ-երկու օր գտնվող ԻԻՀ քաղաքացիների վերաբերյալ կազմել են նրանց իբրեւ հետազոտելու և պատվաստման ենթակա լինելու մասին բժշկական փաստաթղթեր՝ դրանցում ներառելով ակնհայտ կեղծ տեղեկություններ և գրառումներ, որոնց հիման վրա՝ Նշված օտարերկրացիները պատվաստվել են: Այնուհետև հիշյալ բժիշկները կազմել են հաստատել են ԻԻՀ քաղաքացիների՝ կորոնավիրուսային հիվանդության համավարակի դեմ պատվաստված լինելը հավաստող կեղծ սերտիֆիկատներ, մուտքագրել էլեկտրոնային առողջության միասնական տեղեկատվական «ԱՐՄԵԴ» համակարգ՝ ներառելով պատվաստման օրերի վերաբերյալ ակնհայտ կեղծ տեղեկություններ:

Բացի այդ, նույն բժշկական կենտրոնի իմունիզացիայի բուժքույրը, լինելով կորոնավիրուսային հիվանդության դեմ քաղաքացիներին պատվաստումներ կատարող պատասխանատու անձ, ԻԻՀ քաղաքացիների՝ Հայաստանի Հանրապետությունում չգտնվելու պայմաններում կազմել է նրանց իբրեւ հետազոտելու և պատվաստման ենթակա լինելու վերաբերյալ բժշկական կեղծ փաստաթղթեր: Վերջինիս փաստացի պատ-

վաստված չլինելու պայմաններում բժիշկը կազմել է հաստատել է կորոնավիրուսային հիվանդության դեմ պատվաստված լինելը հավաստող կեղծ սերտիֆիկատներ, մուտքագրել է էլեկտրոնային առողջության միասնական տեղեկատվական «ԱՐՄԵԴ» համակարգ՝ դրանցում ներառելով Նշված օտարերկրյա քաղաքացիների իբրեւ պատվաստված լինելու մասին ակնհայտ կեղծ տեղեկություններ: Ձեռք բերված բավարար փաստերի հիման վրա՝ «Սեւանի բժշկական կենտրոն» ՓԲ ընկերության 4 բուժաշխատողի ներկայացվել է մեղադրանք՝ ՀՀ քրեական օրենսգրքի 457-րդ հոդվածի 1-ին մասով, իսկ մեկին՝ ՀՀ քրեական օրենսգրքի 46-457-րդ հոդվածի 1-ին մասով: Նրանց նկատմամբ որպես խափանման միջոց է ընտրվել բացակայելու արգելքը:

Պարզվել է նաև, որ բժշկական կենտրոնի մեկ այլ ընտանեկան բժիշկ, նույն կենտրոնի մշակվածներաբանի խնդրանքով, վերջինիս ազգականի՝ հանրապետությունից բացակայելու պայմաններում կազմել է նրան իբրեւ հետազոտելու և պատվաստման ենթակա լինելու վերաբերյալ բժշկական կեղծ փաստաթղթեր: Վերջինիս փաստացի պատ-

վաստված չլինելու պայմաններում բժիշկը կազմել է հաստատել է կորոնավիրուսային հիվանդության դեմ պատվաստված լինելը հավաստող կեղծ սերտիֆիկատներ, մուտքագրել է էլեկտրոնային առողջության միասնական տեղեկատվական «ԱՐՄԵԴ» համակարգ՝ դրանցում ներառելով գործընկերոջ ազգականի իբրեւ պատվաստված լինելու մասին ակնհայտ կեղծ տեղեկություններ:

Ձեռք բերված բավարար փաստերի հիման վրա՝ «Սեւանի բժշկական կենտրոն» ՓԲ ընկերության 4 բուժաշխատողի ներկայացվել է մեղադրանք՝ ՀՀ քրեական օրենսգրքի 457-րդ հոդվածի 1-ին մասով, իսկ մեկին՝ ՀՀ քրեական օրենսգրքի 46-457-րդ հոդվածի 1-ին մասով: Նրանց նկատմամբ որպես խափանման միջոց է ընտրվել բացակայելու արգելքը:

Նախաքննությունն ավարտվել է, քրեական վարույթի նյութերը՝ մեղադրական եզրակացությամբ, ուղարկվել են դատարան:

ԵՎՍ ՄԵԿ ԱՆԳԱՍ

ՀԱՅՈՑ ՑԵՂԱՍՊԱՆՈՒԹՅԱՆ ԿՐԹԱԿԱՆ ԱԿՏ

Կոնգրեսի ստորին դալաքի մի խումբ կոնգրեսականներն են մեկ անգամ ներկայացուցիչների դալաքին են ներկայացրել Հայոց ցեղասպանության կրթական ակտը՝ հիմնվելով այն բանի վրա, որ ԱՄՆ Կոնգրեսը և ճախագահը դաշնագրապես ճանաչել են այս հանցագործությունը, այս մասին տեղեկացնում են Ամերիկայի Հայ դասի հանձնախմբից:

Այս օրինագծով նախատեսվում է 5 տարվա ընթացքում 10 միլիոն դոլարի ֆինանսավորում տրամադրել Կոնգրեսի գրադարանին՝ ամերիկացիներին կրթելու 1915-1923 թթ.-ին միլիոնավոր հայերի, հույների, ասորիների, քաղղեացիների, սիրիացիների, արամեացիների, մարոնիների և այլ քրիստոնյաների՝ Օսմանյան Թուրքիայի կողմից համակարգված և կանխամտածված, պետականորեն հովանավորվող զանգվածային սպանությունների, ազգային մշակույթի յուրացման կամ ոչնչացման և քաղաքի մասին:

ցեղասպանության պատմության, դրանից քաղած դասերի, հետեւանքների և դրա համար ներկայում վճարվող գնի վերաբերյալ:

Այս օրինագծով նախատեսվում է 5 տարվա ընթացքում 10 միլիոն դոլարի ֆինանսավորում տրամադրել Կոնգրեսի գրադարանին՝ ամերիկացիներին կրթելու 1915-1923 թթ.-ին միլիոնավոր հայերի, հույների, ասորիների, քաղղեացիների, սիրիացիների, արամեացիների, մարոնիների և այլ քրիստոնյաների՝ Օսմանյան Թուրքիայի կողմից համակարգված և կանխամտածված, պետականորեն հովանավորվող զանգվածային սպանությունների, ազգային մշակույթի յուրացման կամ ոչնչացման և քաղաքի մասին:

Հայոց ցեղասպանության կրթական ակտը փորձում է հակազդել այն քաղաքականությանը, որը պնդում է, թե, իբր, «1915-1923 թթ.-ին Օսմանյան Թուրքիայի կողմից միլիոնավոր քրիստոնյաների համակարգված զանգվածային սպանություններ տեղի չեն ունեցել»:

«Քանի որ Ադրբեջանը Թուրքիայի աջակցությամբ բացահայտորեն ձգտում է ավարտին հասցնել Հայոց ցեղասպանությունը, ամերիկյան դպրոցականներին ավելի քան երբեք անհրաժեշտ է դասեր քաղել ողջ մարդկության դեմ դեռուս անպատիժ, դեռ շարունակվող հանցագործությունից», - հայտնել է Ամերիկայի Հայ դատի հանձնախմբի գործադիր տնօրեն Արամ Համբարյանը:

● Անցած 1 օրվա ընթացքում Հայաստանի Հանրապետությունում արձանագրվել է 7 ՃՏՊ. 12 մարդ ստացել է տարբեր աստիճանի մարմնական վնասվածքներ:

ԿԱՐԾԻՔ

ԱՐԱՐՈՂՈՒԹՅՈՒՆ

ԲԵՐԲԵՐՅԱՆԸ՝ «ՂԵՊԻ ԲԱՐՁՈՒՆՔ» ՕՐՆԵՐԳԻ ՄԱՍԻՆ

Կոմպոզիտոր, դիրիժոր, երաժշտական դրոշմակալ Անդրանիկ Բերբերյանը, որը հեղինակել է Եվրոպայի ծանրամարտի առաջնության բացման արարողության երաժշտությունը, մեծ դասախոսականությամբ է մոտեցել երկրի համար կարևորագույն միջոցառման համար նման ծավալուն աշխատանք կատարելուն: Բերբերյանը, որը «Մոդուրնի երգեր», «Կաֆկայի երազը», «Ամերիկացի», «Ավրոսյայի լուսաբացը» եւ շուրջ 30 այլ ֆիլմերի երաժշտության հեղինակ է, կարճ ժամանակում կարողացել է ստեղծել այնպիսի երաժշտություն, որի հիմնում է եղել հայոց դասնությունը: «Անսահման հոյաքս ու երջանիկ եմ, որ նման մեծածավալ նախագծի մասն եմ կազմել եւ աշխատել եմ ռեժիսոր Նաիրե Սեփանյանի հետ: Ստեղծել եմ մոտավորապես 45 րոպե տևողությամբ ռոուի երաժշտություն՝ ներառյալ Եվրոպայի ծանրամարտի առաջնության այս սարվա դասնական օրհներգը, որն ամբողջությամբ ստեղծվել է Berberyan Production Studios-ում: Ի դեպ, ստուդիան է արել ամբողջ արարողության հնչյունային հետադարձային աշխատանքները՝ հանձնելու Տիգրան Կուրդյանի եւ մի ամբողջ թիմի: Ինչ վերաբերում է իմ երաժշտությանը, աղաղակ է ասել, որ երաժշտության հիմնում հայոց դասնությունն է՝ մեր երկրի ստեղծումից մինչև արդի ժամանակներ:



տեսն անտարբեր չի մնացել այս գործից. այն հնարավոր եղավ առաջին անգամ ունկնդրել ապրիլի 14-ի բացման արարողության ընթացքում: Արարողության երաժշտությունը Բերբերյանը հետագայում նախատեսում է ներկայացնել իր սոցիալական հարթակներում: Ինչ վերաբերում է օրհներգին, ապա այն հեղինակել է գործիքավորել է հենց Բերբերյանը, խոսքերը՝ Գրիգոր Կյուրյանի: «Ղեպի բարձունք» օրհներգը միջոցառմանը կատարեց Արամ Մր3-ը, երգի տեսահոլովակի պրեմիերան տեղի

ունեցավ ապրիլի 15-ին: Երգը հասցրել է սիրվել հանդիսատեսի շրջանում: Անդրանիկ Բերբերյանն առաջին անգամ չէ երաժշտություն հեղինակում մասշտաբային նախագծի համար. 2021 թվականին նա գրել է ՀՀ անկախության 30-ամյակին նվիրված միջոցառման երգը, իսկ 2022 թվականին՝ Դուբայի էքսպոյի Հայաստանի մասնակցության վիզուալացված նյութի երաժշտությունը: Երեւանը հյուրընկալում է ծանրամարտի Եվրոպայի առաջնությունը: Այն անցկացվում է ապրիլի 15-23-ը:

ԼՈՒՐԵՐ

ԳԼԽԱՎՈՐ ԳԵՐԱՄԱՆ

50 Cent-ը Մել Գիբսոնի հետ հանդես կգա Boneyard ֆիլմում՝ պրոդյուսեր Քոլին Բեյթսի ինդի-քրեական թրիլլերում: Ռեժիսորը հանդես կգա գլխավոր դերում: Ֆիլմում, որն արդեն սկսել է արտադրվել Լաս Վեգասում, նկարահանվում են Նաե Նորա Ջեյմսը եւ Բրայան Վան Յոլթը, որը նախկինում նկարահանվել է «Ջոն՝ ընդդեմ Քերոլայնի» ֆիլմում: Ֆիլմի սյուժեն ոգեշնչված է իրական իրադարձություններով: Խոսքը ՀԳԲ գործակալի (Գիբսոնի) մասին է, որն Ալբուկերկի ոստիկանական բաժանմունքի հետ հետապնդում է «Ոսկոր հավաքող» մականունով սերիական մարդասպանին: Որոշումների ընթացքում բաժնի պետը եւ նրա գործընկերը մտահոգություն են հայտնում, որ մարդասպանն իրականում կարող է լինել նրանցից մեկը: Boneyard-ի թողարկման ամսաթիվը դեռեւս հայտնի չէ:

ՄՏԻՊՈՒՄ Է «ԳԼՈՒԽ ԿՈՏԻԼ»

Չժերացող Ջենիֆեր Էլիսթոնը ստիպում է «գլուխ կտորել»՝ հասկանալու համար, թե ինչպես է նա դա անում: Չնայած նա 54 տարեկան է, բայց դերասանուհին հրաժարվում է ծերանալ, իսկ երկրպագուները փորձում են պարզել, թե ինչ է անում նա այդքան երիտասարդ տեսք ունենալու համար: Երիտասարդության աղբյուրը, կարծես, միակ բացատրությունն է: Էլիսթոնին բավիցս հարցրել են նրա գաղտնիքների մասին: 2021 թվականին Vouge-ի հետ զրույցում «Ձևկերները» սերիալի աստղը բացահայտել է, որ հաճախակի օգտագործում է կոլագենի պեպտիդային հավելումներ: Հոլիվուդյան աստղը նաեւ իր արտաքին տեսքը վերագրել է իր մտածելակերպին: «Մայրս միշտ եղել առողջ եւ սլացիկ կազմվածք է ունեցել: Դա միշտ եղել է իմ հիմքը», - նույն հարցազրույցում պատմել է Էլիսթոնը: Instagram-ի People Before էջում հրապարակված տեսանյութը երկրպագուների անվստահությունը նոր մակարդակի է հասցրել: Հոլիվուդը, որը տեղադրվել է ավելի քան 200,000 հետետերոլ ունեցող օգտահաշվում, ցույց է տալիս Էլիսթոնի էվոլյուցիան ժամանակի ընթացքում: Սոցցանցի օգտատերերը շտապել են նշել, որ դերասանուհին շատ չի փոխվել վաղ հասակից մինչև մեր օրերը: «Աշխարհի ամենագեղեցիկ կինը», - գրել է երկրպագուներից մեկը: «Նա ընդհանրապես չի փոխվել», - ավելացրել է մեկ ուրիշը:

ՅՈՒՑԱԴՐՈՒԹՅՈՒՆ

ՏԱՆԳՈՅԻ ԵՐԵԿՈՆԵՐ՝ ԵՐԵՎԱՆՈՒՄ

Երեւանում սղաավում են էլեկտրոնային երաժշտության եւ սանգոյի հետադարձ համադրումներ. մայիսի 9-ին, 10-ին եւ 11-ին Հայաստանում հանդես կգա սանգոյի ոլորտում աշխարհում հանրահայտ երաժշտական խմբերից մեկը՝ Otros Aires-ը:



20 տարվա բեմական գործունեության ընթացքում նրանք թողարկել են 8 ստուդիական ձայնասկավառակ, 45 համերգային շրջագայություն՝ ամբողջ աշխարհում: Էլեկտրոն տանգոյի սիրահարներին սպասվում են անմոռանալի երեկոներ, իսկ շուրջ հազարավոր կլիկի պրոյեկցիոն աուդիովիզուալ ցուցադրություններով եւ բազմաթիվ այլ դիտարժան անակնկալներով: Խումբը հանդես կգա բացառիկ ծրագրով մայիսի 9-ին FOODPARK BY DOWNTOWN-ում, մայիսի 10-ին՝ «Վան Արդի» գինեգործարանում, իսկ մայիսի 11-ին՝ «Արամ Խաչատրյան» համերգասրահում:

● Ապրիլի 20-ին Արամ Խաչատրյանի համերգասրահում տեղի կունենա «Հայ կոմպոզիտորական արվեստի 14-րդ փառատոն» փակման համերգը: Տոմսերի արժեքը՝ 5000-10000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ում է նշանակվում կերակրողին կորցնելու կենսաթոշակը եւ որ դեղեբում:

Դիանա Առաքելյան (29 տարեկան)



ՊԱՏԱՍԽԱՆ. Տեղեկացնում ենք, որ կերակրողին կորցնելու դեպքում աշխատանքային կենսաթոշակ նշանակվում է մահացած կերակրողի ընտանիքի հետեւյալ անդամներին.

- 1) 18 տարին չլրացած երեխային,
- 2) 18 տարին չլրացած եղբորը, քրոջը եւ թոռանը, եթե նրանց ծնողներն ունեն աշխատանքային գործունեությամբ զբաղվելու կարողության 3-րդ աստիճանի սահմանափակում,
- 3) 18 տարեկան եւ դրանից բարձր տարիքի հաշմանդամ զավակին, եթե նրա հաշմանդամության պատճառով մանկուց հիվանդությունն է, նա հաշմանդամ է ճանաչվել մինչեւ իր 18 տարին լրանալը եւ ունի աշխատանքային գործունեությամբ զբաղվելու կարողության 3-րդ աստիճանի սահմանափակում,
- 4) կերակրողի մահվան օրվա դրությամբ տարիքային կենսաթոշակի իրավունք տվող տարիքը լրացած կամ հաշմանդամ ճանաչված ծնողներին, ամուսնուն, եթե չեն աշխատում,
- 5) ամուսնուն կամ օրենքով սահմանված կարգով խնամակալ ճանաչված անձին՝ անկախ տարիքից, եթե նա զբաղված է մահացած (զոհված) կերակրողի 14 տարին չլրացած, սույն հոդվածով կենսաթոշակի իրավունք ունեցող երեխայի, եղբոր, քրոջ կամ թոռան խնամքով, ըստ Հայաստանի Հանրապետության բնակչության պետական ռեգիստրում առկա տվյալներով՝ նրա հետ հաշվառված է նույն բնակչության վայրում (հասցեում) եւ չի աշխատում:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Ի դեպ, նշենք, որ հաշմանդամության աշխատանքային կենսաթոշակի իրավունք չունեցող հաշմանդամներին նշանակվում է հաշմանդամության նպաստ:

ՎԱՐԿԱՅԻՆ

ՀԱՐՑ. Խնդրում եմ ասել՝ կարող է արդյոք բանկը առանց որեւէ դասճառաբանության մեծել վարկի ՏՐԱՄԱՂՐՈՒՄը: Ուզում եմ կոնկրետ տեղեկանալ, թե ինչի հիման վրա կարող են մեծել վարկի ՏՐԱՄԱՂՐՈՒՄը:

Սուսաննա Մելիքյան (41 տարեկան)



ՊԱՏԱՍԽԱՆ. Ս. Մելիքյան հարցին ի պատասխան՝ հայտնում ենք, որ վարկի տրամադրումը մերժելու հիմքերը սահմանվում են բանկի ներքին կանոններով, եւ եթե բանկը մերժում է հաճախորդի՝ վարկ ստանալու վերաբերյալ դիմումը, ապա պետք է նշի մերժման հիմքը:

Ֆինանսական համակարգի հաշտարար

«ԺՈՂՈՎՈՒՐԳ». Հայտնում ենք, որ վարկային պայմանագիրը չի հանդիսանում հրապարակային պայմանագիր, հետեւաբար վարկատուն ինքն է ազատորեն որոշում՝ ում հետ կնքել վարկային պայմանագիր, ում հետ՝ ոչ: Այսինքն՝ վարկատուն, գնահատելով դիմողի վարկունակությունը՝ վարկը մարելու ունակությունը, ինքն է որոշում կայացնում:

ԼՈՒՐ ԿԱԴՐ

Լուսանկարը՝ համացանցից



Հայրենիքի պաշտպանության եւ անվտանգության ապահովման գործում ներդրած ավանդի, մարտական գործողությունների ընթացքում ցուցաբերած արիության եւ անսնացող նվիրումի համար ապրիլի 11-ին Տեղ գյուղի հատվածում զոհված 4 զինծառայողները հետմահու պարգևատրվեցին:

Նախագահ Վահագն Խաչատրյանի հրամանագրով՝ ստորաբաժանման հրամանատար, մայոր Մկրտիչ Հարությունյանը պարգևատրվեց «Մարտական խաչ» 1-ին աստիճանի շքանշանով, դասակի հրամանատար, լեյտենանտ Արթուր Սահակյանը, լեյտենանտ Հենրիկ Զոչայանը, կրտսեր սերժանտ Նարեկ Սարգսյանը՝ Արիության մեդալներով:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Ծիրակ	+ 3 + 7 +15 + 19	Արարատ	+ 9 + 12 +24 + 26
Կոտայքի լեռներ	+ 4 + 6 +14 + 17	Արմավիր	+ 9 + 11 +23 + 25
Կոտայքի նախալեռներ	+ 8 + 10 +19 + 22	Վայոց ձորի լեռներ	+ 2 + 5 +13 + 16
Գեղարքունիք	+ 3 + 7 +14 + 17	Վայոց ձորի նախալեռներ	+ 8 + 10 +22 + 26
Լոռի	+ 4 + 7 +18 + 22	Սյունիքի հովիտներ	+ 8 + 11 +23 + 26
Տավուշ	+ 7 + 9 + 20+ 24	Սյունիքի նախալեռներ	+ 4 + 6 +16 + 21
Արագածոտնի լեռներ	+ 2 + 5 +13 + 16	Արցախ	+ 6 + 9 +22 + 25
Արագածոտնի նախալեռներ	+ 8 + 11 +19 + 24	Երեւան	+ 9 + 11 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 19.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: